

## ما بين الضله والشجرة

أنا إيه .. مش عارف  
أنا قاعد .. أنا واقف  
أنا راضي .. أنا خايف  
أنا أعمى .. أنا شايف  
أنا فعلا .. مش عارف  
يتوه الحرف من صوتي  
ف يشبظ في السكوت موتي  
ويوم ما الشمس تندهلي  
وترمي الكحلة ف رموشي  
يدوس الليل على كاهلي  
وينتف شمسي من ريشي  
لا عارف للسما سكه  
ولا قادر على ضحكه  
والاقي النسمة تسبقني

ترش النور.....

ما بين الرمش والنني

انا المقسوم

ما بين الضله والشجرة

وانا العريان .. في عز البرد والمطرة

لكين أحلامي جوايا

و شايل م الغنا لبكره

ويلعن ذلّي وخضوعي

ويمسح م الفضا دموعي

ويرسم كوني من تاني

والاقي سمايا حضناني

تجيني م النجوم زهرة

وتتمايل ضفاير الورد

وتتعايق بلون الخد

اه يا حلم نسائي

جرح حبيبي .. بقى ذكرى